
Ko te katoa o ngā kōrero mō ngā Kinikātene Kidsfirst

Ka tīmatahia ngā tamariki nō te rua tau te pakeke?

Āe, ka whakaaetia ngā tamariki i ō mātou kinikātene nō te rua tau te pakeke - ina wātea mai he wāhi. Kei a mātou ngā taputapu katoa, ā, e āhei ana mātou ki te tīni kope, [ki te āwhina](#) i te whakamahi wharepaku, me te whai wāhi moe hoki ki te hiahia pea e tō tamaiti.

Ka whakaaetia ngā tamariki i raro i te rua tau te pakeke?

Kua raihanatia ō mātou kinikātene mō ngā tamariki 2 – 5 tau te pakeke. Heoi, e rua anō ō mātou kinikātene (Kidsfirst Niu ki Woodham Rd, me Kidsfirst Diamond Harbour (Te Waipapa)) ā, kua whai raihana mātou mō ngā tamariki 0 – 5 tau te pakeke.

Ka whakaaetia taku tamaiti mehemea kāore anō ia kia mōhio ki te whakamahi i te wharepaku?

Āe mārika! Kei a mātou ngā taputapu katoa, ā, e āhei ana mātou ki te tīni kope, mēnā māu ngā kope e homai. Tāpiri atu ki te tīni kope, ka mahi tahi ngā kaiako ki a koe ki te tautoko i tō tamaiti i a ia e ako ana ki te whakamahi i te wharepaku.

Ka whakaaetia rānei kia noho tonu te tamaiti ki te kinikātene nō muri mai i tana huringa ki te rima tau?

Ka whakaaetia kia noho tonu ngā tamariki ki te kinikātene tae atu ki tō rātau huritau tuaono. He maha tonu ngā tamariki ka haere atu ki te kura i te huringa ki te 5 tau te pakeke, engari ka whiriwhiri ētahi ki te noho ki te kinikātene. Kōrero ki tō kaiako matua mō te huarahi tika mōu me tō tamaiti hoki.

He wāhi e wātea ana ināianei?

Ka taea e ngā tamariki te tīmata ināianei ki te nuinga o ō mātou kinikātene. Ki ētahi anō, me tatari, engari e wehe ana ngā tamariki ki te kura i ngā wā katoa. Whakapā mai ki a mātou ki te 0800 454 373, imēra rānei ki betterbecause@kidsfirst.org.nz ki te kimi kōrero anō, ka taea hoki e koe te pāwhiri ki [kōnei](#) ki te whakakī i te puka tono whakauru ki te noho ki te rārangi tatari ināianei – me pātai rānei koe ki tō kaiako matua i tēnei rā!

Kia hia te roa o te tatari ki te whai wāhi?

I a koe i runga i te rārangi tatari ka whakapā atu tō mātou kaiako matua ki a koe – ka rāhiritia koe ki te peka mai i ngā wā katoa. Ka puta rawa mai tētahi wāhi ka whakamōhio atu mātou ki a koe. He āwhina ki a mātou mehemea ka ngāwariwari ki ngā haora/rā – mā reira, ka tīmatahia tō tamaiti, ā, ka whai haere kia piki ki ngā haora me ngā rā e hiahia ana.

E hia te utu kia haere ki te kinikātene?

Mō ngā tamariki 3 – 5 tau te pakeke ka whai haora ECE 20 - (ngā hāora kua utua e te pūtea-kāwanatanga). Me whakapuaki e koe mēnā rānei kua whakawehea ēnei haora ki tētahi ratonga ECE anō.

Tamariki 2-3 tau te pakeke ka whai wāhi hoki ki ngā haora 20 kore-utu, mā te pūtea tautoko a Kidsfirst. Me whakaae ngā mātua o ngā tamariki rua tau te pakeke - ka huri te tamaiti ki te toru tau, ka whakamahia anake te pūtea-kāwanatanga *mō ngā haora ECE 20* ki tētahi ratonga Kidsfirst.

Tamariki 2 – 5 tau te pakeke ka tae atu mō te 20 haora ia wiki neke atu ka utu i te \$6.00 ia haora mō ngā haora tāpiri katoa i tua atu i te 20.

Tamariki i raro i te rua tau te pakeke ka utu i te \$6 ia haora mō ngā haora katoa kua whakaurua

E māraurau ana pea koe mō te pūtea tautoko a WINZ. Ka taea e koe tō māraurau te tiro ā-tuihono ki <https://www.workandincome.govt.nz/products/a-z-benefits/childcare-subsidy.html>

Ka kitea tētahi kape o tā mātou kaupapa-here mō ngā utu i [kōnei](#), me pātai rānei koe ki tō kaiako matua mō tētahi kape.

Hei ōna wā, ki ētahi kinikātene, ka tukuna he utu motuhake. Pātai mai e pā ana ki tō kinikātene ki te 0800 454 373, ka imēra rānei ki a mātou ki betterbecause@kidsfirst.org.nz

Ka pēhea mehemea ehara taku tamaiti i te kirirarau o Aotearoa?

Ka taea e koe tō tamaiti te whakauru ahakoa tōna tūnga manene, ā, mō ngā tamariki katoa ngā haora 20 kore-utu. Tērā pea ka whai pānga ētahi herenga.

He whakahekenga utu mō ngā whānau?

Āe. Mō ngā whānau ka neke atu i te tamaiti kotahi e tae atu ana ka 10% te whakahekenga utu mō te tamaiti tuarua.

Ka pēhea te auau o te whiwhi nama?

Mehemea ka 2 – 5 tau te pakeke o tō tamaiti, ā, ka tae atu ia mō te 20 haora iti iho rānei, ko tōna tikanga, kāore koe e whiwhi nama mā te imēra, mā te mēra rānei, heoi, kei te āhua tonu o ō kōwhiringa tērā.

Mehemea kei raro tō tamaiti i te rua tau, ka neke atu rānei tana taenga atu i te 20 haora ia wiki, ka whiwhi nama koe ia rua wiki. Mehemea he pātai rānei āu e pā ana ki tō nama me imēra ki infocare@kidsfirst.org.nz, me waea atu rānei ki 0800 454 373 ki te kōrero ki tō mātou tīma ā-tari.

Kei te pai kia haere hoki au ki te Kinikātene?

Ka whakamanuhiritia koe i konei i ngā wā katoa! Kei konei mātou ki te āwhina i ia whānau ki te kimi i te huarahi tika mōna, me tana tamaiti, ā, ka rāhiritia ngā manuhiri ki te kinikātene ki te whakawhānui i te aronga me te akonga o te tamaiti. Āwhinatia ai mātou e ngā whānau, mō ngā haerenga, ka noho rānei rātou ki te kapu tī me te kai pihikete, ka pānui rātou i ngā pūrākau, ka tuari rātou i ō rātou pūkenga me ā rātou kaupapa e ngākaunui ana me te whakaatu i te uara o te mātauranga mō tana tamaiti mā te tae ā-tinana noa iho. E mārama ana hoki mātou ki ngā pēhitanga i runga i ngā mātua me ngā whānau hoki – kei a koe te tikanga hei āhea koe uru mai ai.

He aha ngā haora e tūwhera ana?

Ka tūwhera ō mātou kinikātene mō ngā haora e 6 ia rā, engari, kei ia wāhi tōna ake wā tīmata e hāngai ana ki te nuinga o tō rātou hapori. Ko ētahi ka tīmata ā te 8.30am me te mutu ā te 2.30pm, ā, ko ētahi anō ka tīmata ā te 8.45am, te 9am rānei, me te mutu ā te 2.45pm, te 3pm rānei. Ka paku roa ake te rā ki tō mātou whare kōhungahunga ki Diamond Harbour (Te Waipapa).

Pāwhiritia ki [kōnei](#) ki te kimi kīni e pātata ana ki a koe me te tiro ki ōna haora tūwhera – me haere rānei ki tā mātou paetukutuku www.kidsfirst.co.nz

Ka taea e au ōku haora te whiriwhiri?

Anei ngā haora mō ō mātou kinikātene, ko tētahi rā katoa mō te ono haora, ko tētahi nohoanga rānei, mō te ata i te nuinga o te wā – e whā haora te roa. Ko te mea whakarapa kē, kāore e taea ngā wā tīmatanga me ngā wā whakamutunga rerekē puta noa i te rā - me whiriwhiri koe i tētahi, ko tētahi nohoanga, ko te rā katoa rānei. Waihoki, he mea tino nui kia tika te wā kawē mai me te wā tiki mai anō hoki.

Ka taea e au ōku rā te whiriwhiri?

Āe! Ko tā mātou e tūtohu nei kia tīmata ki ngā rā e rua (ki te wātea mai) ā, ka piki haere ki ngā rā e rima i runga i te reritanga o tō tamaiti.

Mā kōnei e whai wāhi ai ngā kaiako ki te whai mōhiotanga ki tō tamaiti, kia whai hoa tō tamaiti me te whai pūmautanga ki te tautoko i tana mahi ako i ia wiki.

E pai ana ngā rā tamō? Me utu tonu mātou mō ngā rā kāore e tae atu?

Kāore mātou e tuku nama mehemea kua kati te kinikātene mō ngā hararei. Heoi, ka tukuna tonutia te nama mehemea ka ngaro tō tamaiti mō te māuiui me te hararei rānei te take.

Ka kitea tētahi kape o tā mātou kaupapa-here mō ngā utu i [kōnei](#), me pātai rānei koe ki tō kaiako matua mō tētahi kape.

E pai ana kia wawe te tiki atu i taku tamaiti?

I ētahi wā, me pērā ka tika – e mārama ana mātou! Ka tūwhera te kinikātene mō te rā katoa, mō tētahi nohoanga rānei. Ka whakatauhia tō wā tīmata me tō wā whakamutunga i runga i te whakahaeretanga o te kinikātene.

E tūwhera ana koutou i ngā hararei ā-kura?

Ko ētahi o ō mātou kinikātene me ō mātou whare kōhungahunga e tūwhera ana i waenganui i ngā hararei ā-kura e toru. Ki te kore tō kīni e tūwhera ana, ka taea pea e mātou te tuku wāhi ki a koe ki tētahi kīni pātata anō mō ngā hararei. Pātai mai ki betterbecause@kidsfirst.org.nz, waea mai rānei ki te 0800 454 373.

Ka haere te nuinga o ngā tamariki ki te Kura Tuatahi ā-hapori?

Ka whai hononga tata mātou ki ngā kura ā-hapori ki te tautoko i te huarahi pai mō te whānau katoa i te taenga ki te wā kia haere ngā tamariki ki te kura. Ka haere tonu te huarahi ako o ngā tamariki tokomaha ki roto tonu i tō rātou hapori.

Tokohia ngā kaiako ki te kinikātene?

Mō ngā tamariki pakeke ake i te 2 tau ko tō mātou ōwehenga ko te kaiako māraurau kotahi ki ia 10 tamariki ki tā ngā herenga e whakaturehia ana e Te Tāhuhu o te Mātauranga. Mō ngā tamariki i raro i te 2 tau ko tō mātou ōwehenga ko te kaiako māraurau kotahi ki ia 4 tamariki, i raro iho i tērā e whakaturehia ana e Te Tāhuhu o te Mātauranga.

He wā noho whāriki ō koutou?

E whakapono ana mātou ki ngā uara o te tākaro hūrokuroku me te tākaro whakauka. I ngā wāhi katoa ka kitea ngā tamariki e pukumahi ana ki te tākaro tahi, me te whakatau kōwhiringa mō te tākaro e pāhekoheko ai rātou ki ngā tāngata, ngā wāhi me ngā āhua o te taiao me te hāpori – e tautokohia ana i roto i tā rātou mahi ako e ō mātou tīma whakaako tino pai rawa atu.

Engari whakahuihui ai mātou mō ngā nohoanga ā-rōpū, te kōrero pūrākau, te puoro, me ngā takunetanga motuhake ki ō tātou whānau.

Ka ako taku tamaiti i te aha?

Ka whai ō mātou kinikātene me ō mātou whare kōhungahunga i "**Te Whāriki**", **he whāriki mātauranga mō ngā mokopuna o Aotearoa**, e whakapakari ai i te ako mokopuna me te whakatakoto i te tūāpapa kaha mō te angitu ā muri ake nei. Ka whakamahere hōtaka ō mātou kaiako me te aro ki ngā tamariki me ngā wawata o ō rātou whānau mōna. Ka akiakitia ngā tamariki ki te whai wāhi ki ngā mahi whakamahere, ki ngā akoranga me te whai reo hoki.

Kei Kidsfirst, ka ako tō tamaiti ki te:

- Kawe takohanga me te whakatau kōwhiringa
- Whakatinana i te mahi tohatoha me te mahi tahi ki ētahi anō hoki
- Whaiwhairoroa me te kore e tuohu
- Whakawhitiwhiti kōrero me te whai hononga ki ētahi pakeke me ngā tamariki anō
- Whai manawaroa ina hinga ai tētahi mea
- Tū motuhake engari e kore e matakū ki te tono āwhina
- Whakawhanake i te āheitanga ki te whakatau whaiaro i a koe anō
- Tīmata ki te ako tuhituhi mā te tā me te peita pikitia.
- Whakawhanake i te pākiki me ngā pūkenga rangahau mā te pākikitanga
- Whakawhanake i te aroā-tauiāo
- Whakawhanake i tō rātou aroā pāpori mā te ngākau aroha me te whakawhitiwhiti kōrero
- Whakaputa i te auaha
- Tūhura – ki te kinikātene, ki tōna hāpori hoki
- Whakaoti rapanga
- Whakatipu i te aroā ahurea me te ngākau titikaha
- Pātai i ngā pātai mō tōna ao, e āwhina ana i a ia ki te whai māramatanga

Ka koa tō tamaiti i te whānui o ngā wheako mātauranga me ngā wheako pārekareka, tae rā anō ki te:

- Tākaro whakaari
- Tākaro rāwekeweke - te pangahono, ngā poro-rākau, te toi waihanga me te kāmura
- Taiao, ngā whakamātautau pūtaiao me te tūhura
- Tākaro ki te onepū me te wai
- Tākaro takakawe
- Tākaro ā-tinana, te tākaro a waho
- Pānui pukapuka, pūrākau me te tākaro karetao
- Whakatangi puoro, te kanikani me te waiata
- Whanaketanga reo me te whanake pāpori mā te kōrero
- Whānuitanga o ngā mahi auaha me ngā mahi toi ataata - te toi piripiri, te peita, te tā, te kere pokepoke, me te mahi tunu

He kōrero anō ka kitea e pā ana ki tō kinikātene ā-hāpori motuhake mā te pāwhiri ki [kōnei](https://www.kidsfirst.co.nz), mā te toro rānei ki tā mātou paetukutuku www.kidsfirst.co.nz

Ka pēhea au e kite i te mahi ako a taku tamaiti?

Ka whai pukapuka kōtaha tō tamaiti ki te kinikātene nō te rā tuatahi. Ko ngā pūrākau ako mō tō tamaiti me te akoranga ki te kinikātene ka tāpirihia ki te pukapuka, ā, kei a koe te tikanga mō āhea koe tiro ai te pukapuka. Hei ōna wā, ka taea hoki e koe te whakahoki atu ki te kāinga, kia kitea ai hoki e te whānau.

Tāpiri atu ki te kape mārō, ka whakamahia e ō mātou kinikātene me ō mātou whare kōhungahunga te EDUCA –

he tomokanga haumarū tuihono e hono ana i a koe ki ngā mahi ako a tō tamaiti. Ka tuku atu ngā kaiako i ngā pūrākau ako o tō tamaiti - tōtika ki tō waea ki tō tīpapa rānei Māu, mā tō whānau hoki e tākupu, e whakamanawa hei whakawhānui i te akoranga a tō tamaiti. Ka whakamāramatia tēnei e tō kaiako matua i te whakaurunga.

Kia takatū ki te tīmata i tō kinikātene

Kua oti kē te tukanga whakauru, ā, kei a koe tō rā tīmatanga mō tō tamaiti ki te huataki i ngā tākaro takakawe ki te kinikātene. Anei ētahi pārongo kia pai ai te takatū mō tō rā tuatahi.

E pai ana taku toro atu i mua i te tīmatanga o taku tamaiti ki te kinikātene?

Āe! Ka whakamanuhiritia koe i konei i ngā wā katoa! Ko tā mātou e tūtohu nei kia rua ngā toronga i te taha o tō tamaiti ki te tautoko i a ia i tana huarahi ki te kinikātene. Kōrero ki tō kaiako matua mō te wā pai mō ēnei toronga, kia whai wā koe ki te āwhina i te tīma whakaako ki te whai māramatanga ki tō tamaiti.

He aha ngā momo kōrero mō taku tamaiti e hiahiatia ana e ngā kaiako?

Ko ngā mea pērā i:

- ngā kupu motuhake me ngā momo whakawhitihiti kōrero
- ōna tino ara pai hei whakamauru i a ia
- ōna tukanga moe - hei āhea, me pēhea hoki e pai ai tana moe (ina hiahiatia ana)
- ngā tukanga wharepaku
- ngā tino kai me ōna matea kai motuhake
- tōna oranga me tōna whānau - ngā mea nui o te wā, ngā take rānei ka pāmamae pea ia.
- ngā matea mātauranga motuhake, ngā ratonga whakatau wawe e whiwhi nei ia.

E pai ana kia noho au i te rā tuatahi?

Āe! Ka whakamanuhiritia koe i konei i ngā wā katoa. Ka tae atu koe, pātai atu ki tō kaiako matua mō te āhua o te waitohu takiuru, te āwhina i tō tamaiti ki te whakairi i tana pēke, me te hoatu i tana pouaka-kai.

- akiaki i tō tamaiti ki te uru atu ki tētahi mahi.
- me ngākaupai mō te rā
- me whai wā koe kia pai ai te whakatau i tō tamaiti
- whakamahi i tētahi tukanga poto i a koe e wehe ana, pērā i te pānui tahi i tētahi pūrākau, te pōwhiriwhiri tētahi ki tētahi mā te matapihi
- He mea nui ki te whāki ki tō tamaiti i a koe e wehe ana, tuku mihi e noho rā, kātahi ka tōtika te wehe. Mehemea e māharahara ana koe, e pai ana kia waea mai koe, ka waea atu rānei tō tīma whakaako ki a koe mehemea ka puta he take kia pērā. He mea māori noa te paku anipā i te tīmatanga!

Ka waea mai ngā kaiako ki ahau mehemea ka māuiui, ka whara rānei taku tamaiti?

Mehemea ka māuiui tō tamaiti, ka waea atu te tīma whakaako ki a koe me te pātai atu kia tiki koe i tō tamaiti me te whakahoki ki te kāinga. He whakaaro pai kia whakaritea mai he mahere tuarua mō te tūpono kāore e taea e koe te tae wawe atu ki reira. Me whakapūmau hoki e koe ka taea e tō hoapā ohotata te āwhina mehemea e matea ana. Me pupuri tō tamaiti ki te kāinga kia piki anō tōna oranga ki te whakatāharahara i te horapa o te māuiui.

Ki te whara tō tamaiti ki te kinikātene, ka whakamahia te whakaora ohotata e te tīma whakaako i runga i te āhua o te momo whara. Mehemea me whai maimoatanga te whara ka tōtika te waea atu ki a koe i taua wā tonu me te tono āwhina hoki. Ahakoa te momo whara, māmā, pahore o te kiri, ka pūrongohia atu ki a koe i te mutunga o te nohoanga. Tino pai rawa tō mātou tīma whakaako ki ngā awhiawhi, ā, i te nuinga o te wā kāore e roa ka hoki atu tō tamaiti ki te tākaro i roto i te wā poto noa nei.

Ka mauria mai te aha?

- he pounamu wai - kua tapaina ki tōna ingoa
 - he pōtae rā - he pōtae māhana i te hōtoke. Me tapa ki tōna ingoa ngā kākahu katoa o tō tamaiti
 - He tīni kākahu, me tētahi pēke hei whakahoki i ngā kākahu paru ki te kāinga
 - He hāketē māhana me ngā kamupūtu i te hōtoke – ka tākaro mātou ki waho puta noa i te tau!
 - Kai – me pātai atu ki ō kaiako mō te momo kai e ākina nei e mātou kia kai ngā tamariki ki te kinikātene.
 - ngā kope me ngā whēru pēpi anō
 - he pēke ki te pupuri i ēnei mea katoa - kua tapaina ki tōna ingoa.
-

Hei āhea kai ai taku tamaiti?

Kei te nuinga o ō mātou kinikātene "e haere tonu ana te wā kai". Arā, ka manaakitia ngā tamariki ki te kai i te wā e hiakai ana rātou, kaua ko te kai i tētahi wā kua whakataungia – ā, ka tautokohia rātou ki te ako me pēhea te whakahaere i ā rātou ake paramanawa/ kai o te rānui. Mehemea e tino pukumahi ana tō tamaiti me tana kore aro ki te kai, ka ākina ia kia auau tonu te kai.

He wā tōna ka kai tahi ai mātou – ka noho tahi ki te hui ā-rōpū me te kai tahi hoki. Kai tahi ai mātou i te huarākau i ngā wā paramanawa o te ata me te ahiahi.

He aha ngā kai ka mauria mai e ngā tamariki?

Ka ākina ngā whānau kia whakaritea he kai hauora mā ngā tamariki – he kai māori, he kai urutapu, he huarākau, he huawhenua hoki ka whāngai i a rātou me te hoatu ki a rātou te kaha e hiahiatia ana mō te rā e pukumahi ana ki te tākaro. Kōrero mai ki a mātou e pā ana ki ngā whakaaro mō ngā kai tina – me te titiro hoki ki ngā kai kua mauria mai e ētahi atu i tō toronga mai.

Me kōrero hoki koe ki tō kaiako matua mō ngā mate ātete kai, ngā mate pāwera ā-kai mōrearea rānei e pā nei ki tō tamaiti.

Ka tautokohia taku tamaiti ki te whakamahi i te wharepaku?

Kōrero mai ki a mātou e pēhea ana te haere o te whakamahi wharepaku a tō tamaiti. E harikoa kē ana mātou ki te āwhina i a koe me te mahi tahi ki a koe ki te tautoko i te kauneke a tō tamaiti i a ia i te kinikātene.

Ka haumarū/harikoa/pārekareka/whai hoa taku tamaiti?

Ko te tākarokaro, te takakawe, te auaha me te tūhuratanga he mea whai uara ki Kidsfirst – he pārekareka te ako! Ko ō mātou tīma whakaako, he tīma whai pūkenga, whai wheako hoki, ā, e whakahīhi ana rātou ki te whakarato i tētahi hōtaka mō ngā tamariki, e poipoi nei te āhua o te whanaungatanga. Ka pēnei mātou mā te āki i ngā tamariki ki te whai manaakitanga – te tiaki tētahi i tētahi, mā te tautoko hoki i ngā tamariki ki te whakawhanaunga ki ētahi anō, te whai hononga, me te manaaki i ērā whanaungatanga. He hoa kinikātene he hoa mauroa!

He aha e rerekē ai te Kinikātene?

- **Ko tō tamaiti tō mātou tino whakaarotau tuatahi.** He hakune te taparere o ngā nama mōrahi i roto i ō mātou Kinikātene me ō mātou Whare Kōhungahunga kia pai ai te whai mōhiotanga ki ia tamaiti. He mauritau ō mātou nohoanga, ā, ka tau ngā tamariki nā te mea ka whakahaeretia te rā i runga i te āhua o ngā tamariki, kaua ko te āhua ngā kaiako.
- **Ka whakamanuhiritia koe i konei i ngā wā katoa!** Ko ngā hononga he mea nui ki a mātou. Ka mōhio ō mātou kaiako ki ia tamaiti me tōna whānau, ā, ka hanga i tētahi hōtaka ako i runga anō i ngā wawata o te whānau kia tino tautoko ai mātou i ia tamaiti ki te whakatutuki i tōna pito mata.
- **Ko ō mātou kaiako te tino pūtake o ngā hua!** Ko tā mātou he tuku i ngā hōtaka mō ngā nohinohi ka whakaratohia e te 100% o ngā kaiako rēhita, māraurau kouna – me te whai wāhi ki ngā rauemi o tētahi o ngā whare ako kōhungahunga whai wheako nui rawa atu o Aotearoa – arā ko Kidsfirst! Ka tautokohia ō mātou kaiako ki tētahi hōtaka-ako ngaio pai whakaharahara kia mauria mai e rātou tā rātou mahi tino pai rawa atu nei ki ā tātou tamariki.
- **E whakapono ana mātou ki ngā uara o te whānau.** Pērā anō i te korenga o te whakawehe tamariki ki ngā rōpū ā-pakeke i roto i ngā whānau, e kore hoki mātou e pērā. E whakapono ana mātou ka ako tahi ngā tamariki o ngā pakeketanga katoa tētahi i tētahi, e whai wāhi ana ki te whakatauiria me te ako i te aroha me te whakawhitiwhiti kōrero. Ka tīmata ngā whanaungatanga mauroa ki te Kinikātene – ko tō rātou whānau kinikātene.
- Ko ō mātou iāri he nui, he māori hoki – ko ngā painga katoa o ngā iāri kiwi tērā, ngā wāhi e tūhono ai, e pāhekoheko ai ngā tamariki ki te taiao. Ko te mahi a ō mātou wāhi tākaro he whai wāhitanga ki ngā whakapātāritari me ngā mahi tūraru, he wāhi mārīe whai whakaaroaro, ā, ka nui ngā momo wheako. He māori ngā wāhi tākaro i konei, ka whakaatatia tō mātou ngākau titikaha ki te ao tikanga-rua, ā, ka whakatōkia ki ngā rākau māori, ngā rākau hua rākau me ngā huawhenua maha hoki.
- Nō Aotearoa tonu a Kidsfirst, ā, he huamoni-kore hoki, ka hoki atu tā mātou pūtea ki roto i ō tātou kinikātene – ki tō tātou hapori. He hītori whakahīhi tō mātou mō te tautoko i ō tātou hapori mō te 100 tau neke atu!